



*Jumat, 28 Mei 2021*

**Ogen: Kuan-kuanen 16 : 32**



**"Sabar Dingen Engkuasai Diri"**



Orang yang sabar melebihi seorang pahlawan, orang yang menguasai dirinya melebihi orang yang merebut Kota. Kata enda ngajuk kita guna ngasup ngidah ras ndalani kegeluhenta arus tetap kita sabar, sabab kalak si sabar melebihi sekalak pahlawan. Sekalak pahlawan eme tokoh, pejuang si enggo mperjuangkan tanah aйна. Bageme pe ikataken ibas renungenta sendah kalak si sabar e melebihi perjuangan kalak simbela negarana. Eme perluna kesabaren ukur ras engkuasai diri sabab ibas beluh kita engkuasai dirinta la murah kita ipengaruhi situasi ras kiniganjangen ukur enda me mabai kita kumas kemenangan. Sabab musuh si mbelinna emekap dirinta jine, ija kita ngasup engkuasai dirinta maka kita ngasup ngalaken kai pe sijadi ibas kegeluhenta.

Ibas Kuan kuanen 16:32 isingetken madin jadi kalak sabar asangken erkuasa, engkuasai diri ulin asangken naluken melala kota. Iidah arah kata enda maka modal utama ngalaken kai pe eme saber, sabab ibas kita saber pasti tahan uji, megenggeng ngalaken si la bagi ukur ras mberat pe perbeben e tetap kita ngasup erkiteken saber kita ngalakensa, saber kita ngalo ngalosa. Emaka secara psikologis hebat pe kalak siberjuang ngerebut kota, butuh kekuatan, strategi, senjata ras kerjasama, tapi ikateken man banta tetap ulin engkuasai diri.

Jadi 2 kata kunci ibas renungenta enda eme : saber ras engkuasai dirinta gelah teridah ulihna ibas kita erkiniteken, teridah man banta maka kalak si saber ras megenggeng e enggo teruji ibas kiniteken, dengen paksana naksiken kiniteknna. Emaka eme si perlu jadi sikerajangenta, turah min ibas dirinta jine selaku moria, kesabaren dengen kiningasupen ngkuasai dirinta ibas kai-kai pe. Ija melala kel man alanken ibas kegeluhenta terutama ibas masa pandemi enda, kai pe la nga tentu bagi ukur, erbage-bage dampak subuk ibas dampar ekonomi, pertanian, pariwisata, pendidikan, kesehaten bagepe ibas erkiniteken. Adi la kita pentar talu me kita, reh kote ras latihan nari ngenca banci. Emaka pebelinlah ibas dirinta sabar ras engkuasai diri. La saja mpeteneng tendita tapir eh ngasupna kita muat keputusan kai pe alu mehuli.